

也。奧烏報反。沈於六反。處昌慮反。下同。棖宜衡反。食饗也。四部要籍選刊 蔣鵬翔主編 浙江大學出版社

不為槩槩量也。不制待賓客饌具之所有。食音嗣。饗本又作享。香兩反。槩古愛反。饌士戀反。祭

祀不為尸尊者之處為其失子之道。然則尸卜筮無父者。為其音于偽反。下注除不為孤皆同。

聽於無聲。視於無形恒若親之將不登高不臨

深不苟些。言不苟笑為其近危辱也。人之性不欲見毀。言不欲見笑。君子樂然後笑。些

音也。沈又疏為人至苟笑。正義曰。此一節明孝子居處及行立待賓祭祀敬慎之事。各隨

文此明孝子居處閨門之內不言凡者。或異居禮則

不主奧者。主猶坐也。奧者室內西南隅也。室嚮南

戶用角則西南隅。隱奧無事故呼其名為奧。常推尊者

于無事之處。故尊者居必主奧也。既是尊者所居。則人

# 阮刻禮記注疏

(清)阮元校刻

獨不與人共。則坐常中。故卑者坐不得居中。也。行不中

四部要籍選刊

蔣鵬翔 主編

阮刻禮記注疏

(清) 阮元 校刻

三

浙江大學出版社

# 本冊目錄(三)

## 卷第八

檀弓上……………五四一

校勘記……………五九一

## 卷第九

檀弓下第四……………六二五

校勘記……………六八九

## 卷第十

檀弓下……………七一七

校勘記……………七八三

附釋音禮記注疏卷第八

檀弓上

禮記

鄭氏注

孔穎達疏



子柳之母死子碩請具

具葬之器用子柳魯叔仲皮之子子碩兄。碩音石。

子

柳曰何以哉

言無其財

子碩曰請粥庶弟之母

粥謂嫁之

也妾賤取之曰買。鬻本又作粥音育賣也注同

子柳曰如之何其粥人之

母以葬其母也不可

忠恕

既葬子碩欲以賻布

之餘具祭器

古者謂錢為泉布所以通布貨財

子柳曰不可吾聞

之也君子不家於喪

惡因死者以為利。惡烏路反

請班諸兄

弟之貧者

以分死者所矜也。多則與鄰里鄉黨

疏

子柳至貧者。正義曰此一節論不

已流家之

粥人之母及因死爲利之事各依文解之。○注子柳至碩兄  
 正義曰案下檀弓云叔仲皮學子柳故知子柳是叔仲皮之  
 子知子碩兄者以此云子碩曰請粥庶弟之母故知子碩兄  
 也。○注古者至貨財。○正義曰解布名也言古者謂錢爲泉  
 布所以然者言其通流有如水泉而徧布貨買天下貨財也  
 而鄭注周禮云藏曰泉其行曰布取名於水泉其流行無不  
 徧也鄭又云泉始蓋一品周景王鑄大泉而有二品後數變  
 易不復識本制至漢唯有五銖久行案鄭此者云五銖者其  
 重五銖凡十黍爲一參十參爲一銖二十四銖爲一兩故錢  
 邊作五銖字也鄭又云王莽改貨而異作泉布多至十品今  
 存於民間多者有貨布大泉貨泉貨布長二寸五分廣寸首  
 長八分有奇廣八分其圜好徑二分半足枝長八分其右文  
 曰貨左文曰布重二十五銖直貨泉二十五大泉徑一寸二  
 分重十二銖文曰大泉直十五貨泉貨泉徑一寸重五銖右  
 文曰貨左曰泉直一也案食貨志云今世謂之笨錢是也邊  
 猶爲貨泉之字大泉即今大四文錢也四邊並有文也貨布  
 之形今世難識世人或耕地猶有得者古時一箇準二十五  
 錢也然古又有刀刀有二種一見契刀一見錯刀也契刀直  
 五百錯刀直一千契刀無縷而錯刀用金縷之刀  
 形如錢而邊作刀字形也故世猶呼錢爲錢刀也。○君子

曰謀人之軍師敗則死之謀人之邦邑危則

亡之

利已亡。衆非忠也言亡之者雖辟賢非義退

○公叔文子升於瑕丘

蘧伯玉從

二子衛大夫文子獻公之孫名拔。蘧木又作獮其魚反從才用反又如字拔皮八反徐

蒲末反文子曰樂哉斯丘也死則我欲葬焉蘧伯

玉曰吾子樂之則瑗請前

刺其欲害人良田瑗伯玉名。樂音洛下同一

讀下樂五教反瑗于卷反又於願反刺七賜反

**疏**

公叔至請前。正義曰此一節論蘧伯玉仁者刺文子欲害人

良田之事。注文子獻公之孫名拔。正義曰案世本云獻公生成子當當生文子拔拔生朱為公叔氏

○弁人

有其母死而孺子泣者

言聲無節。弁皮彦反孺而注反

孔子曰

哀則哀矣

此誠哀

而難為繼也

失禮中

夫禮為可

傳也為可繼也故哭踊有節

傳直專反

**疏**

弁人至有節

正義曰此一節論孔子譏弁人哀過之事。而難為繼也者。此哀之深。後人無能繼學之者也。夫禮為可傳也。為可繼也。故哭踊有節者。又廣述其難繼為失也。夫聖人禮制。使後人可傳。可繼。故制為哭踊之節。以中為度耳。豈可過甚。皆使後人不可傳。繼乎。然雜記曾申問於曾子曰。哭。父母有常聲乎。曰。中路嬰兒失其母。何常聲之有。則與此違者。云曾子所言。是始死之時。悲哀志懣。未可為節。此之所言。在襲斂之後。可以制禮。故哭踊有節也。所以知然者。曾申之問。泛問於哭時。故知舉重時。答也。此之所言。在於後也。

武叔公子牙之六世孫名州仇。毀孔子者。既小斂舉者。出戶出戶。袒且

投其冠。括髮。子游曰。知禮。

咄之。○咄。疏。叔孫至。知禮。○正義曰。此一節論武叔失禮。昌之反。之事。各依文解之。○注武叔至子者。○正義

曰。案世本桓公生僖叔牙。牙生戴伯。茲茲生莊叔。得臣。臣生穆叔。豹。豹生昭子。媾。媾生戊子。不敢。敢生武叔州仇。仇是公子牙六世孫。故云公子牙六世孫也。云毀孔子者。論語云。叔孫武叔毀仲尼是也。○注尸出至委貌。○正義曰。案士喪禮

卒斂徹帷主人西面馮尸踊無筭主婦東面馮亦如之主人  
髻髮袒衆主人免下云士舉男女奉尸夷于堂喪大記亦云  
卒小斂主人袒說髦括髮以麻下云奉尸夷于堂是括髮在  
小斂之後奉尸夷于堂之前主人爲欲奉尸故袒而括髮在  
前今武叔奉尸夷堂之後乃投冠括髮故云尸出戶乃變服  
失哀節云冠素委貌者案雜記云小斂環經公大夫士一也  
注云士素委貌大夫以上素爵弁而加此經焉鄭知然者以  
喪大記云君將大斂子弁經大夫大斂無文明亦弁經大斂  
既爾明小斂亦然故云大夫以上弁經案武叔投冠武叔是  
諸侯大夫當天子之士故云士素委貌若然案士喪禮主人  
括髮鄭注云始死將斬衰者雞斯將括髮者去筭纒而紛無  
素委貌者熊氏云士喪禮謂諸侯之士故無素冠也崔氏云  
將小斂之時已括髮括髮後大夫以上加素弁士加素委貌  
至小斂訖乃投去其冠而見括髮今案士喪禮及大記皆小  
斂卒乃括髮無小斂之前爲括髮者崔氏之言非也案士喪  
禮小斂括髮鄭注喪服變除云襲而括髮者彼據大夫以上  
之禮死之明日而襲與士小斂同日俱是死後二日也鄭注  
士喪禮一括髮之後比至大斂自若所以大記云小斂主人  
袒說髦括髮是諸侯小斂之時更括髮者崔氏云謂說去其  
髦更正括髮非重爲括髮也○子游曰知禮○子游是習禮



之人見武叔失禮反謂之知禮故知嗤之也

○扶君卜人師扶右射人師

扶左

謂君疾時也卜當為僕聲之誤也僕人射人皆平生時贊正君服位者。卜人師依注音僕師長也謂大

僕也本或無師字者非也前儒如字卜人及醫師也

君薨以是舉

不忍變也周禮射人大喪與僕

人遷

疏

扶君至是舉。正義曰此一節論君薨所舉遷尸之人。注謂君至位者。正義曰知是君疾時者

以下云君薨以是舉故知君疾時也知卜當為僕者以卜人無正君之事案周禮大僕職掌正王之服位射人職掌國之三公孤卿大夫之位及王舉動悉隨王故知也。○從母之夫舅之妻二夫人

相為服君子未之言也

二夫人猶言此二人也時有此二人同居死相為服

者甥居外家而非之。從才用反夫人音扶注同為于偽反注及下注夫為妻同

或曰同爨總

以同居生總之親可。○疏從母至爨總。正義曰此一節爨總上七亂反下音思。論失禮之事各依文解之。注時有至非之。正義曰知同居者以下云同爨總故知同居也云甥居外家而非之者以言從母及舅皆是外甥稱謂之

辭故知甥也若他人之言應云妻之兄弟婦夫之姊妹夫相  
為服不得云從母之夫舅之妻也言甥居外家而非之者謂  
甥來居在外姓舅氏之家見有此事而非之或云外家者以  
二人同住甥居外旁之家遙譏之○或曰同爨總者甥既將  
為非禮或人為於禮可許既同爨而食合有總麻之親此  
皆據總麻正衰非弔服也故云相為服若是弔服疏人皆可  
何怪此二人何庸以為弔服加麻經如朋友然非也凡弔服  
不得稱服故上云請喪夫子若喪父而無服時朋友弔服而  
稱無服故知此相  
○喪事欲其縱縱爾趨事貌縱讀  
為服非弔服也如摠領之摠

○縱依注音  
摠急遽貌  
吉事欲其折折爾安舒貌詩云好人提  
故喪事雖遠不陵節吉事雖止不怠陵躡也止

也怠惰也○躡力  
輒反惰徒卧反  
故騷騷爾則野謂大疾○騷素刀反

他佐反  
下注同  
鼎鼎爾則小人謂大  
君子蓋猶爾疾舒

疏  
喪事至猶爾○正義曰此一節論吉凶趨容之事各依  
文解之○注詩云好人提提○正義曰所引者魏風葛

履之詩也魏俗褊薄遣新來婦人縫作衣裳故述而刺之云  
 美好婦人初來之時提提然引之者證安舒之意。故喪至  
 猶爾。正義曰以上喪事欲疾吉事欲舒因上生下故云喪  
 事雖須促遽亦當有常不得陵越喪禮之節吉事雖有行止  
 住之時不得怠惰寬慢故喪事騷騷爾過為急疾則如田野  
 之人急切無禮若吉事鼎鼎爾不自嚴敬則如小人然形體  
 寬慢也若君子之人於喪事之內得疾之中於吉事之內得  
 舒之中蓋行禮之時明閑法則志意猶猶然猶猶是曉達之  
 貌。喪具君子恥具。辟不懷也喪具棺衣之屬一日二日而可

為也者君子弗為也

謂絞給衾冒。絞戶交反。疏後同給其蔭反冒莫報反。

喪具至弗為也。正義曰此一節論孝子備喪具之事各依  
 文解之。注辟不至之屬。正義曰此辟不懷宜八年左傳  
 云禮卜葬先遠日辟不懷也懷思也葬用近日則是不思念  
 其親今送死百物皆具是速棄其親今未即辦具是辟不思  
 親之事也云喪具棺衣之屬者棺即預造衣亦漸制但不一  
 時頓具故王制云六十歲制七十時制入十月制九十日脩  
 唯絞給衾冒死。而後制是也。○喪服兄弟之子猶子也蓋引而

進之也嫂叔之無服也蓋推而遠之也

或引或推重親

遠別。遠于萬反別彼列反。

姑姊妹之薄也蓋有受我而厚之

者也

欲其一心於厚之者姑姊妹嫁大功夫為妻期。期音基。

**疏**

喪服至者也。正義曰喪服是儀禮

正經記者錄喪服中有下三事各以釋之其兄弟之子期姑姊妹出適大功皆喪服經文嫂叔無服喪服傳文所以嫂叔無服進在姑姊妹之上者取或引或推二者相對其子服重是引而進之其嫂無服是推而遠之並云蓋者記人雖解其義猶若不審然故謙而言蓋。注或引至遠別。正義曰己子服期今昆弟之子亦服期牽引進之同於己子案喪服傳昆弟之子期報之也此云引者喪服有世父母叔父母期又云昆弟之子何以亦期也有相報答之義故云報也已子服期昆弟之子應降一等服大功今乃服期故云引也二文相兼乃備或推者昆弟相為服期其妻應降一等服大功今乃使之無服是推使疏而斥遠之也言重親解或引言遠別解或推遠別者何平叔云夫男女相為服不有骨肉之親則有尊卑之異也嫂叔親非骨肉不異尊卑恐有混交之失推使無服也。姑姊妹之薄也者未嫁之時為之厚今姑姊妹出

嫁之後為之薄蓋有夫壻受我之厚而重親之欲一心事於厚重故我為之薄○食於有喪者

之側未嘗飽也

助哀戚也

○曾子與客立於門側其

徒趨而出

徒謂客之旅

曾子曰爾將何之曰吾父

死將出哭於巷

以為不可發凶於人之館

曰反哭於爾次

次舍也禮

館人使專之若其自有然

曾子北面而弔焉

**疏**

曾子至弔焉○正義曰此一節

論館客使如其己有之事○曰反哭於爾次者於時立曾子之門故曾許其反哭於汝次舍之處依禮喪主西面曾子所以北面弔者案士喪禮主人西面其賓亦在東門北面謂同國之賓曾子既許其哭於次故以同國賓禮北面弔焉○孔子

曰之死而致死之不仁而不可為也之死而

致生之不知而不可為也

之往也死之生之謂無知與有知也為猶行也

音智

是故竹不成用瓦不成味木不成斲

成猶善也

竹不可善用謂邊無滕味當作沫沫噴也。味依注音  
沫亡曷反斲陟角反滕本又作滕徒登反醜音悔洗面

琴瑟張而不平。竽笙備而不和。音于下音生和胡卧

反調直。有鐘磬而無篥。虞。不縣之也。橫曰篥。植曰虞。

力反又。其曰明器神明之也。言神明死者也。神明者  
音值。非人所知故其器如此。

疏。孔子至之也。正義曰。此一節論生人於死者不可致  
死致生之事。之死而致死之者之往也。謂生者以物

往送葬於死者而致死之意。謂之無復有知是不仁之事也。  
而不可為也。之死而致生之者謂以物往送葬者而雖死

猶致生之意。是不知之事而不可為也。注之往至知也。  
正義曰。謂生者以物往送死者故何肩云。言往死者處而致

此死之者之意。謂死如草木無知如此。用情則不仁不可行  
於世也。往死者處而致此死者於全生之物則不知而不可

行也。捨此二塗不仁不知之間。聖人之所難言。付之不測之  
竟言無知與有知者。即下云。夏后氏用明器示民無知。殷人

用祭器示民有知也。是故竹不成用者。聖人為教使人子  
不死於亡者。不便謂無知不生於死者。不便謂有知。故制明

器以神明求之不死不生不可測也成善也故為器用並不  
 精善也竹不善用謂竹器邊無滕緣也何胤云若全無知則  
 不應用若全有知則亦不應不成故有器不成是不死不生  
 也。瓦不成味者味猶黑光也今世亦呼黑為沫也瓦不善  
 沫謂瓦器無光澤也。木不成斲者斲雕飾也木不善斲鄭  
 注云味當作沫沫醜也醜謂醜面證沫為光澤也琴瑟張而  
 不平者亦張弦而不調平也。等笙備而不和者亦備而無  
 宮商之調和也有鐘磬而無龔虞者龔虞縣鐘磬格也亦有  
 鐘磬而不用格縣掛之鄭云不縣之也者案典庸器云大喪  
 廡筍虞明知有而不縣之也云橫曰龔植曰虞者虞距也以  
 用力故曰虞也。注言神至所知。正義曰。有子問於  
 神明微妙無方不可測度故云非人所知也。

曾子曰問喪於夫子乎

有子孔子弟子有若也夫子卒後問此庶有異聞也喪謂

仕失位也魯昭公孫於齊曰喪人其何稱。問喪問或作聞喪息浪反注及下皆同孫音遜。

曰聞之矣

喪欲速貧死欲速朽有子曰是非君子之言

也

貧朽非人所欲。朽許久反。

曾子曰參也聞諸夫子也有

子又曰是非君子之言也曾子曰參也與子

游聞之有子曰然然則夫子有為言之也曾

子以斯言告於子游子游曰甚哉有子之言

似夫子也昔者夫子居於宋見桓司馬自為

石椁三年而不成

桓司馬宋向戌之孫名魍。有為于偽反下為桓司馬為敬叔則為

之注為民作為嫁母皆同向式上反戌音恤魍大回反

夫子曰若是其靡也死

不如速朽之愈也死之欲速朽為桓司馬言

之也

靡侈。侈昌氏反又申氏反

南宮敬叔反必載寶而朝

敬叔魯孟僖子之子仲孫閱蓋嘗失位去魯得反載其寶來朝於君。朝直遙反注同僖許宜反閱音悅

夫子

曰若是其貨也喪不如速貧之愈也喪之欲



速貧為敬叔言之也。曾子以子游之言告於

有子，有子曰：「然。吾固曰：非夫子之言也。」曾子

曰：「子何以知之？」有子曰：「夫子制於中都，四寸

之棺，五寸之槨，以斯知不欲速朽也。」中都魯邑名也。孔子

嘗為之宰，為民作制。孔子由中都宰為司空，由司空為司寇。

昔者夫子失魯司寇

將之荆，將應聘於楚。應應對之應。蓋先之以子夏，又申之以

冉有，以斯知不欲速貧也。言汲汲於仕得疏有

至貧也。正義曰：此一節論喪不欲速貧，死不欲速朽之事。各隨文解之。有子問於曾子者，此孔子卒後弟子相問。冀有所異聞也。問喪謂問失本位居他國禮也。有子問於曾子云：汝曾聞失位在他國之禮於孔子否乎？注有子至何稱正義曰：案仲尼弟子傳有若、少孔子四十三歲，彼注云魯人也。曾參南武城人，字子輿，少孔子四十六歲，云魯昭公孫於